

Laxar Fiskeldi ehf  
Akralind 2  
201 Kópavogur

Reykjavík 12. apríl 2019  
UST201809-023/F.T.  
08.12.02

### Efni: Samþykkt úrbótaáætlun

Umhverfisstofnun vísar í bréf sitt frá 18. desember 2018 þar sem óskað var eftir tímasettri áætlun um úrbætur á frávikum sem skráð voru í eftirliti í Löxum fiskeldi ehf., Bakka. Þann 14. janúar barst úrbótaáætlun rekstraraðila og þann 10. apríl barst uppfærð úrbótaáætlun varðandi fyrsta frávikið.

#### Frávikan eru eftirfarandi:

1. Gr. 1.1 í starfsleyfisskilyrðum fyrir fiskeldi á landi. Framleiðsla stöðvarinnar er 60-80 tonn á ársgrundvelli en leyfið tekur einungis til 20 tonna framleiðslu. **Skv. úrbótáaætlun rekstraraðila** hefur verið dregið úr hrognakaupum og er lífmassinn á Bakka nú 32 tonn. Seiði verða flutt frá Bakka á Laxabraut, auk þess að seiðahópar eru færðir á milli Bakka og Fiskalóns. Rekstraraðili áætlar að lífmassinn í stöðinni verði kominn í 19 tonn í lok apríl. Ásamt því að minnka lífmassa í stöðinni, hefur rekstraraðili sótt um nýtt starfsleyfi með 100 t. heimild til stofnunarinnar. Stofnunin mun ekki fara í eftirfylgni með frávikanu á meðan umsóknin er til meðferðar en bendir þó á að samkvæmt nágildandi starfsleyfi þarf framleiðsla í stöðinni að vera undir 20 tonnum fyrir árið 2019.
2. Gr. 1.4 í starfsleyfisskilyrðum fyrir fiskeldi á landi. Skráningar á losun efna út í umhverfið vantar. **Samkvæmt úrbótáaætlun rekstraraðila** verður losun niturs og fosfórs skráð í dagbók eldisstöðvanna og sýnt verður fram á úrbætur í næsta eftirliti Umhverfisstofnunar. Stofnunin fellst á framangreint og mun taka úrbætur út í næsta eftirliti.
3. Gr. 1.4 í starfsleyfisskilyrðum fyrir fiskeldi á landi. Neyðaráætlun vegna tíma-bundinnar eða ótíma-bundinnar rekstrarstöðvunar vantar. Neyðaráætlun barst stofnuninni **4. febrúar** sl. Stofnunin samþykkir áætlunina en óskar eftir því að áætlunin verði uppfærð á þann hátt að fram komi ábyrgðarmaður hvers efnispáttar fyrir sig. Einnig óskar stofnunin þess að staðfesting verði send þess efnis að rekstraraðili hafi til taks aðila sem tilbúinn sé til þess að taka við dauðfiski við rekstrarstöðvun. Framangreint skal sent stofnuninni fyrir **10. maí** nk.
4. Gr. 1.4 í starfsleyfisskilyrðum fyrir fiskeldi á landi. Áhættumat og viðbragðsáætlun vegna mengunaróhappa vantar. Stofnunin vekur athygli á því að orðalagi fráviksins hefur verið breytt frá því í bréfi dags. **18. desember 2018.** Áætlunin hefur verið send stofnuninni en hún barst **4. febrúar** sl. Frávikanu telst því lokið.


5. Gr. 2.1, 2.6 og 3.1 í starfsleyfisskilyrðum fyrir fiskeldi á landi. Skv. starfsleyfisskilyrðum ber rekstraraðila að beita bestu fáanlegu tæknii til að fyrirbyggja mengun umhverfisins, frárennsli skal forhreinsast og frárennsli sem rennur beint í viðtaka skal að lágmarki miða við eins þreps hreinsun. Engin hreinsun er á frárennsli. Rekstraraðili hyggst setja upp tromlusíu í frárennsli. Frumhönnun síukerfisins er lokið og verður ráðist í nauðsynlegar framkvæmdir að hönnuninni lokinni. Áætlað er að framkvæmdin taki fjóra mánuði og stefnt er á verklok þann 28. júní 2019. Rekstraraðili mun senda stofnuninni staðfestingu þess efnis að úrbætur hafi átt sér stað að framkvæmd lokinni. Stofnunin fellst á framangreint og mun taka úrbætur út í næsta eftirliti.

**Umhverfisstofnun fellst á úrbótaáætlun rekstraraðila en úrbætur vegna frávikanna verða teknað út í næsta eftirliti.**

Verði frávikum ekki lokið eða ef áætlun um úrbætur gengur ekki eftir mun Umhverfisstofnun halda áfram með eftirfylgni þaðan sem frá var horfið.

Umhverfisstofnun bendir á að bréf þetta verður birt á heimasiðu stofnunarinnar.

Virðingarfallst



Hulda Soffia Jónasdóttir  
sérfræðingur

  
Frigg Thorlacius  
lögfræðingur

Afrit: Heilbrigðisnefnd Suðurlands